



WISe

“Wraparound with Intensive Services”
(Tumwun me Aninis Mei Nap)

FAMINI



Eu minafon pekin aninis non Washington mei anisi ekkewe ekkoch semirit mei nomw fan Apple Health Medicaid NGE A pwan wor ar osukosuken non mekurer

Met wewen WISe?

WISe eu pekin aninis (mei voluntary), mei nounou eu “team” weiweita ika ekkoch chon anisi, pwe repwe awora aninis mei murrinno me tufich faniten noumw we semirit. Epwe achocho ne awora “mental health services” (aninisin tumwunu ekkewe mei ter me osukosuken non mekurer) pwe repwe anisi noumw we ren ekkoch ekiek pwe epwe sinei ifa usun an epwe pwusun fori an kewe kokkot.

Popunapen an wor ei prokramen WISe pwe:

- Epwe eu pekin aninis mei awora minne mei auchea faniten ekkewe ekkoch semirit mei wor ar nipwakingaw are apwangapwangen non mekurer, pwan faniten nour kewe famini, pwe repwe pochokun, tumunoch, me kinamwe, non famini me sop ika winior.
- Epwe fori an emon me emon “individualized care plan” weiweita ika kokkoten wiser, anongonong won ukukun ar sinei, pochokun, tongeni, ekiek, me nukunuk. En me an noumw we semirit team oupwe angang fengen me aninis fengen pwe oupwe tongeni sinei met sokkun tumwun ika aninis epwe murrinno faniten noumw we. Ekkewe chon team a tongeni ekkoch me nein aramasom (usun ra chon famini, chiechi, are sounpetak/wanparun) are/ika pwan ekkoch chon “professional” (usun ekkoch counselor, chon nemenem, sense, social worker, are probation officer).
- Epwe awora aninis are support epwe fis non fansoun/kunok me neni omw tawe ngeni (pachanong imwomw, eu neni mei public, are pwan fansoun nepwin ika weekend).
- Epwe aiti ngonuk iten ekkewe ekkoch pekin aninis repwe tongeni awore aninis ngeni noumw we me pwan ngeni unusen noumw we famini.
- Epwe awora aninis ngonuk non fansoun atapwanapwan. Noumw we semirit a tongeni angei aninisin “crisis services” weiweita ika aninisin atapwanapwan fansoun meinisin, inet chok epwe tufich. Emon me nein omw na team epwe mwutir anisuk. Ika mei wor namotan, epwe pwan pachanong ekkoch mwichen “intervention” weiweita ika mwichen “epeti seni feiangaw” me non imwom, are ika ia ewe osukosuk mei fis me ia.

Napanapen WISe:

Ikkei ekkewe ekkoch napanapen WISe mei tongeni anapano an semirit pochokun:

- | | |
|--|--|
| 1. Wisen me Ekiekin Famini me Serafo (“Family and Youth Voice and Choice”) | 6. Tufich Ngeni Eoreni, Muu me Aramas Meinisin |
| 2. Anongonong won Angechu (“team based”) | 7. Faniten Emon me Emon |
| 3. Aninisin Chiechi me Aramasom | 8. Anongonong won An Emon Nipwakoch |
| 4. Angang/Aninis Fengen | 9. Anongonong won “Outcome” ika Met Epwe Fisatiw |
| 5. Anongonong won Imw me Sop | 10. Esapw Wor Nongonongun |

Ion epwe tongeni resiff aninisin WISe?

Semirit/serafo ra tongeni nounou WISe ika pwe iir mei kis seni ier 21 me ika iir ra pwan fich weiweita ika “eligible” non tettenin ekkewe Access to Care Standards (annukun ika koukun ekkewe ekkoch agency an “mental health” pwe repwe pwunguveno met sokkun aninis mei eoch ngeni emon me emon mei nipwakingaw)

Inet epwe eoch ngeniei ai upwe tungor ren aninisin WISe?

En mei tongeni omw kopwe fori omw “referral” weiweita ika tungor ren eu “WISe Screen” (ika Nengeni) **inet chok ka mochen**. Sam me inn re tongeni ar repwe mwumwuta ngeni nour we semirit unumen safei/reirei, nge ika e watte seni ier 13, ewe semirit epwe wisen tipeew ngeni ena safei/reirei me mwen an epwe tongeni angei. Ka tongeni omw kopwe tungor ren eu WISe Screen faniten noumw we:

- Ika pwe noumw we a men nounou aninisin “crisis line” are ika a no emergency room fan chommong, anongonong won weiresin an we osukosuken non mekuran are ika an we “mental health”.
- Ika pwe noumw we a kan nukumach (weiweita ika pwe a men sunó seni imwan fan chommong are ika a katurunong non konopus anongonong won an osukosuken non mekuran) are ika pwan ekkoch sakkun fofor mei ngaw, nge ese wor pwan ekkoch aninis mei tongeni an epwe anisi.
- Ika pwe noumw we a men mochen an epwe afeiengawa pwusun inisin are inisin pwan ekkoch.
- Ika pwe noumw we a men niit an aninisin tumwun ika treatment epwe watteno ika anapano.
- Ika pwe noumw we a men niit och akasiwinin ren an pekin aninis.
- Ika pwe noumw we a men nomw fan ekkoch pekin aninis ika prokram (usun Pekin Tumwunun Mekur (“mental health”), “child welfare” (CPS), “juvenile justice”, “developmental disabilities services”, me/ika “substance use disorder treatment”), nge ekkewe pekin aninis ika prokram resapw fokun pochokun ne anisi.
- Ika pwe noumw we a nomw non Special Education me/ ika mei wor an 504 Plan, nge a fen suspenini seni sukun fan chommong anongonong won an nipwakingaw are/ika osukosuken non mekuran.



Washington State
Department of Social
& Health Services

Transforming lives

Inet WISe epwe poputa ika kawor me non neniei?

WISe epwe fetan ngeni unusen ewe state Washington mwen June 2018; ina popun ese mwo tori iteiten meinisin sop me neni. Aramas ra tongeni fori ar "referral" weiweita ika tungor ren eu WISe Screen non ekkewe sop mei kawor ewe prokramen WISe. Ren omw kopwe sinei ika mei wor aninisin WISe non omw sopw ika community, ina ke tongeni katton ewe website: www.dshs.wa.gov/dbhr/cbh-wise.shtml iwe tiki won ewe taropwe a iteni "WISe Referral Contact List by County" weiweita ika iten ekewe nenien awora aninisin WISe non eu me eu county.

Ika WISe ese mwo poputa me non neniomw, nge ka nuku pwe noumw we a men niit an epwe nounou aninisin "mental health services" (weiweita ika aninisin tumwunu ekkewe mei ter me osukosuken non mekurer), non ei website: <https://www.dshs.wa.gov/bha/division-behavioralhealth-and-recovery/mental-health-services-and-information> are ika kori ewe Recovery Helpline, ese kamo: 866-789-1511.

Met Epwene Fis Murin Ai Upwe Fori Ai "Referral" (ika Tungor)?

Iteiten aramas meinisin repwe tongeni fori eu WISe Screen ika Nengeni. Ekkewe chon tungor repwe tongeni fori ar WISe Screen non 10 ran seni ewe ran sia men resifini ar kewe "referral" ika tungor. Ikkei met epwe fis me non ekkewe WISe Screen:

- Poporaus me kapas fengen me ekkewe semirit, me fori ewe "screen" ika nengeni a iteni Child Adolescent Needs and Strengths (CANS) mei kawor rue-me-onnu (26) kapas eis me non ena tes. Non ena "screen", ewe chon nengeni epwe pwunguweno ika pwe ewe semirit mei kan chok niit aninisin WISe, are ika pwe esapw. Ekkewe ra mochen fori ewe "screen" ra tongeni kori kich me non fon, are ika pwusin fiti eu mwich ika appointment.
- Ika ewe "screen" epwe pwarata pwe noumw we a men niit aninisin WISe, iwe ekkewe chon nengeni repwe aiti ngonuk menni WISe agency kopwe ne churi an noumw we epwe fori an ewe aewin assessment, pwe i epwe tongeni mwutir ne tonong non ewe prokram.
- Ika ewe nengeni epwe pwarata pwe noumw we ese fokun niit aninisin WISe, iwe ekkewe chon nengeni repwe aiti ngonuk iten pwan ekkoch pekin aninisin "mental health services" (weiweita ika aninisin tumwunu ekkewe mei ter me osukosuken non mekurer) repwe tufich ngenii, anongonong won ukukun an nipwakingaw.

***Eu angangen nenengeni a iteni "Washington's Wraparound with Intensive Services (WISe) Overview" faniten ewe foforen kapwung ngeni Kevin Quigley me Dorothy Teeter Lawsuit.**

Non Nofemper 2009, ra faenini eu Medicaid lawsuit weiweita ika ra fori ar repwe kapwung ngeni ewe Department of Social and Health Services me ewe Health Care Authority faniten eu pekin "mental health services for children and youth" (pekin aninisin ekewe semirit mi terin non mekurer). Ei angangen kapwung e anongonong won ekocho annukun federal a iteni EPSDT ("Early and Periodic Screening, Diagnosis and Treatment") a annuk pwe eu me eu state epwe awora aninisin mental health services me safei/tumwun ren semirit, inamwo ika eman semirit e fen nounou aninis me akomw. Non ekewe ekocho ier sia touu seni, ekkewe chon kapwung re tipeew fengen pwe repwe fori emwenen ekewe annuk, iwe re pwan era pwe repwe awora ochun aninis ngeni ekewe semirit mi terin non mekerer me nour kewe famini non Washington State. Ewe imwen kapwungun federal re apprufini ei Settlement ika Tipeew non Tisemper 19, 2013. Popunapen an wor ei Settlement ika Tipeew pwe epwe eu ootoo mei anisi ekewe pirokramen aninis ar repwe fori ika awora ochun mental health services non imw me sopw mei ngeni ekewe semirit mei terin non mekurer – faniten ekewe mei kis seni ier 21 me ir mei pwan qualify ngeni ar repwe angei Medicaid.



A wor chommong famini me non ewe fonufan, nge eu me eu neir a sokono. A wor chommong napanapen me kikkoten aramas, nge eu me eu neir a pwan sokono.

Ke mwochen fiti kich non ach ei angang?

En mei tongeni omw kopwe anisi kich non ach angangen awora aninisin semirit. Ewe pekin "Family, Youth, System Partner Round Tables (FYSPRTs)" eu angangen muun fonuach mei awora ochun aninis ngeni semirit mei osukosuken/semwinin non mekurer ("children's behavioral health system"), pachanong WISe. Ka tongeni kaeo pwan ekocho auchean porausen ekei pirokram non ar ena website: FYSPRT.com